



Broj: 02-50-1-16-9/07

Sarajevo: 29.10.2007. godine

ZAPISNIK

**9. sjednice Doma naroda
Parlamentarne skupštine Bosne i Hercegovine,
održane 29. oktobra 2007.godine**

Sjednica je počela u 11,10 sati.

Sjednicom je predsjedavao Ilija Filipović, predsjedavajući Doma naroda Parlamentarne skupštine BiH.

Sjednici je prisustvovalo 14 delegata.

Delegat Dušanka Majkić opravdala je izostanak.

Osim delegata, na sjednici Doma naroda bili su predstavnici međunarodnih organizacija i sredstava javnog informiranja.

Na sjednici je usvojen sljedeći

DNEVNI RED

1. Odgovori na delegatska pitanja i delegatska pitanja;
2. Usvajanje Zapisnika 8. sjednice Doma naroda;
3. Izvještaj Zajedničke komisije oba doma o usaglašavanju teksta Prijedloga okvirnog zakona o predškolskom odgoju i obrazovanju u Bosni i Hercegovini;
4. Izvještaj Zajedničke komisije oba doma o usaglašavanju teksta Prijedloga zakona o Agenciji za predškolsko, osnovno i srednje obrazovanje;
5. Izvještaj Zajedničke komisije oba doma o usaglašavanju teksta Prijedloga zakona o radijacijskoj i nuklearnoj sigurnosti Bosne i Hercegovine;
6. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o krivičnom postupku, po hitnom postupku, u skladu s članom 122. Poslovnika Doma naroda (zakon visokog predstavnika);
7. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o Visokom sudskom i tužilačkom vijeću BiH, po hitnom postupku, u skladu s članom 122. Poslovnika Doma naroda (zakon visokog predstavnika);
8. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o putnim ispravama po hitnom postupku, u skladu s članom 122. poslovnika Doma naroda (zakon visokog predstavnika);
9. Prijedlog zakona o izmjenama Zakona o upravnom postupku - drugo čitanje, predlagač Vijeće ministara BiH;
10. Prijedlog zakona o izmjenama i dopunama Zakona o upravnim sporovima BiH - drugo čitanje, predlagač: Vijeće ministara BiH;
11. Prijedlog zakona o elektronskom pravnom i poslovnom prometu - drugo čitanje, predlagač: Vijeće ministara BiH;
12. Prijedlog zakona o izmjenama i dopunama Zakona o ministarstvima i drugim organima uprave BiH - drugo čitanje, predlagač: Vijeće ministara BiH;
13. Prijedlog zakona o izmjenama Zakona o carinskoj tarifi BiH – prvo čitanje, predlagač: Vijeće ministara BiH;
14. Prijedlog zakona o vinu, rakiji i drugim proizvodima od grožđa i vina - prvo čitanje, predlagač: Vijeće ministara BiH;

15. Prijedlog zakona o izmjenama Zakona o ministarstvima i drugim organima uprave BiH – Zakon br. 01-02-9- 47-1/07, od 12.9.2007. - prvo čitanje, predlađač: Vijeće ministara BiH;
16. Prijedlog zakona o izmjenama i dopunama Zakona o policijskim službenicima - prvo čitanje, predlađač: Vijeće ministara BiH;
17. Prijedlog zakona o izmjenama i dopunama Zakona o Državnoj agenciji za istrage i zaštitu - prvo čitanje, predlađač: Vijeće ministara BiH;
18. Izvještaj o radu Državne komisije za reviziju odluka o naturalizaciji stranih državljana u Bosni i Hercegovini za period od 31.1.2007. do 31.7.2007. godine, s prijedlogom zaključka;
19. Prijedlog zaključaka Zajedničke komisije za odbranu i sigurnost BiH:
 - a. za rješavanje pitanja viška malog i lakog naoružanja i municije u BiH,
 - b. za rješavanje problema u radu Granične policije BiH;
20. Potvrđivanje imenovanja Ljerke Marić za direktora Direkcije za ekonomska planiranja;
21. Davanje saglasnosti za ratifikaciju Sporazuma o ekonomskoj i tehnološkoj saradnji između Vijeća ministara BiH i Vlade Republike Grčke;
22. Davanje saglasnosti za ratifikaciju Sporazuma između Bosne i Hercegovine i Islamske Republike Pakistan o saradnji u oblasti odbrambene industrije;
23. Davanje saglasnosti za ratifikaciju Konvencije Vijeća Evrope o sprečavanju terorizma, Varšava, 16. maj 2005.godine;
24. Davanje saglasnosti za ratifikaciju Konvencije Vijeća Evrope o borbi protiv trgovine ljudima;
25. Davanje saglasnosti za ratifikaciju Konvencije Vijeća Evrope o pranju novca, otkrivanju, privremenom oduzimanju i konfiskaciji dobiti stečene kriminalnim radnjama i o finansiranju terorizma, Varšava, 16. maj 2005.godine.

Ad.1. Odgovori na delegatska pitanja i delegatska pitanja

Odgovore na delegatsko pitanje, postavljeno na 6. i 8. sjednici Doma naroda, dobio je Slobodan Šaraba. Delegat se izjasnio da je djelimično zadovoljan odgovorom.

Delegat Slobodan Šaraba postavio je sljedeće pitanje visokom predstavniku za BiH Miroslavu Lajčaku: Hoće li i kada visoki predstavnik pristupiti reviziji odluka o smjeni velikog broja lica, koja su smijenili prijašnji visoki predstavnici za BiH? Budući da do sada protiv tih lica nijedan organ nije pokrenuo postupak a prošlo je od posljednjih smjena više od tri godine, pojedina lica žive u teškim uslovima, s obzirom na nemogućnost rada u ranijim preduzećima.

Ad.2. Usvajanje Zapisnika 8. sjednice Doma naroda

Rasprava o ovoj tački dnevnog reda nije vođena.

Dom naroda jednoglasno je usvojio Zapisnik 8. sjednice Doma naroda.

Ad. 3. Izvještaj Zajedničke komisije oba doma o usaglašavanju teksta Prijedloga okvirnog zakona o predškolskom odgoju i obrazovanju u Bosni i Hercegovini

Rasprava o ovoj tački dnevnog reda nije vođena.

Dom naroda usvojio je većinom glasova Izvještaj Zajedničke komisije oba doma o usaglašavanju teksta Prijedloga okvirnog zakona o predškolskom odgoju i obrazovanju u Bosni i Hercegovini. Sa usvajanjem Izvještaja, Zakon je usvojen u istovjetnom tekstu u oba doma Parlamentarne skupštine BiH

Ad. 4. Izvještaj Zajedničke komisije oba doma o usaglašavanju teksta Prijedloga zakona o Agenciji za predškolsko, osnovno i srednje obrazovanje

Rasprava o ovoj tački dnevnog reda nije vođena.

Dom naroda usvojio je većinom glasova Izvještaj Zajedničke komisije oba doma o usaglašavanju teksta Prijedloga zakona o Agenciji za predškolsko, osnovno i srednje obrazovanje. Sa usvajanjem Izvještaja, Zakon je usvojen u istovjetnom tekstu u oba doma Parlamentarne skupštine BiH

Ad. 5. Izvještaj Zajedničke komisije oba doma o usaglašavanju teksta Prijedloga zakona o radijacijskoj i nuklearnoj sigurnosti Bosne i Hercegovine

U raspravi o ovoj tački dnevnog reda učestvovao je Adem Ibrahimpašić.

Dom naroda usvojio je većinom glasova Izvještaj Zajedničke komisije oba doma o usaglašavanju teksta Prijedloga zakona o radijacijskoj i nuklearnoj sigurnosti Bosne i Hercegovine. Sa usvajanjem Izvještaja, Zakon je usvojen u istovjetnom tekstu u oba doma Parlamentarne skupštine BiH.

Ad. 6. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o krivičnom postupku, po hitnom postupku, u skladu s članom 122. Poslovnika Doma naroda (zakon visokog predstavnika)

Rasprava o ovoj tački dnevnog reda nije vođena.

Prijedlog zakona o usvajanju Zakona o izmjenama i dopunama Zakona o krivičnom postupku nije dobio entitetsku većinu, te Zakon nije usvojen.

Ad. 7. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o Visokom sudskom i tužilačkom vijeću BiH, po hitnom postupku, u skladu s članom 122. Poslovnika Doma naroda (zakon visokog predstavnika)

Rasprava o ovoj tački dnevnog reda nije vođena.

Prijedlog zakona o usvajanju Zakona o izmjenama i dopunama Zakona o Visokom sudskom i tužilačkom vijeću BiH nije dobio entitetsku većinu, te Zakon nije usvojen.

Ad. 8. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o putnim ispravama po hitnom postupku, u skladu s članom 122. poslovnika Doma naroda (zakon visokog predstavnika)

U raspravi o ovoj tački dnevnog reda učestvovala je Alma Čolo.

Prijedlog zakona o usvajanju Zakona o izmjenama i dopunama Zakona o putnim ispravama nije dobio entitetsku većinu, te Zakon nije usvojen.

Ad. 9. Prijedlog zakona o izmjenama Zakona o upravnom postupku - drugo čitanje, predlagač Vijeće ministara BiH

Rasprava o ovoj tački dnevnog reda nije vođena.

Dom naroda jednoglasno je usvojio Zakon o izmjenama Zakona o upravnom postupku u istovjetnom tekstu kao i na Predstavničkom domu.

Ad. 10. Prijedlog zakona o izmjenama i dopunama Zakona o upravnim sporovima BiH - drugo čitanje, predlagač: Vijeće ministara BiH

Rasprava o ovoj tački dnevnog reda nije vođena.

Dom naroda jednoglasno je usvojio Zakon o izmjenama i dopunama Zakona o upravnim sporovima u istovjetnom tekstu kao i na Predstavničkom domu.

Ad. 11. Prijedlog zakona o elektronskom pravnom i poslovnom prometu - drugo čitanje, predlagač: Vijeće ministara BiH;

Rasprava o ovoj tački dnevnog reda nije vođena.

Dom naroda je većinom glasova usvojio Zakon o elektronskom pravnom i poslovnom prometu u istovjetnom tekstu kao i na Predstavničkom domu.

Ad. 12. Prijedlog zakona o izmjenama i dopunama Zakona o ministarstvima i drugim organima uprave BiH - drugo čitanje, predlagač: Vijeće ministara BiH

U raspravi o ovoj tački dnevnog reda učestvovao je Hazim Rančić.

Dom naroda jednoglasno je usvojio Zakon o izmjenama i dopunama Zakona o ministarstvima i drugim organima uprave BiH u istovjetnom tekstu kao i na Predstavničkom domu.

Ad. 13. Prijedlog zakona o izmjenama Zakona o carinskoj tarifi BiH - prvo čitanje, predlagač: Vijeće ministara BiH

Rasprava o ovoj tački dnevnog reda nije vođena.

Dom naroda jednoglasno je usvojio u prvom čitanju Prijedlog zakona o izmjenama Zakona o carinskoj tarifi BiH.

Ad. 14. Prijedlog zakona o vinu, rakiji i drugim proizvodima od grožđa i vina - prvo čitanje, predlagač: Vijeće ministara BiH

Rasprava o ovoj tački dnevnog reda nije vođena.

Dom naroda jednoglasno je usvojio u prvom čitanju Prijedlog zakona o vinu, rakiji i drugim proizvodima od grožđa i vina.

Ad. 15. Prijedlog zakona o izmjenama Zakona o ministarstvima i drugim organima uprave BiH – Zakon br. 01-02-9- 47-1/07, od 12.9.2007. - prvo čitanje, predlagač: Vijeće ministara BiH

Rasprava o ovoj tački dnevnog reda nije vođena.

Dom naroda jednoglasno je usvojio u prvom čitanju Prijedlog zakona o izmjenama Zakona o ministarstvima i drugim organima uprave BiH.

Ad. 16. Prijedlog zakona o izmjenama i dopunama Zakona o policijskim službenicima - prvo čitanje, predlagač: Vijeće ministara BiH

U raspravi o ovoj tački dnevnog reda učestvovali su: Branko Zrno, Hazim Rančić, Slobodan Šaraba, Mladen Ivanić i predstavnik Ministarstva sigurnosti BiH Munib Isaković.

Dom naroda jednoglasno je usvojio u prvom čitanju Prijedlog zakona o izmjenama i dopunama Zakona o policijskim službenicima, uz sljedeći zaključak:

Obavezuje se Zajednička komisija za ljudska prava, prava djeteta, mlade, imigraciju, izbjeglice, azil i etiku da u što kraćem roku dostavi mišljenje nadležnoj komisiji o Prijedlogu zakona o izmjenama i dopunama Zakona o policijskim službenicima.

Ad. 17. Prijedlog zakona o izmjenama i dopunama Zakona o Državnoj agenciji za istrage i zaštitu - prvo čitanje, predlagač: Vijeće ministara BiH

U raspravi o ovoj tački dnevnog reda učestvovali su: Branko Zrno, Hazim Rančić i Alma Čolo.

Dom naroda jednoglasno je usvojio u prvom čitanju Prijedlog zakona o izmjenama i dopunama Zakona o Državnoj agenciji za istrage i zaštitu, uz sljedeći zaključak:

Dom naroda PSBiH traži od Vijeća ministara BiH da, u što kraćem roku, u pisanoj formi, dostavi obrazloženje o predloženim pravnim rješenjima u vezi s članom 12. Prijedloga zakona o izmjenama i dopunama Zakona o Državnoj agenciji za istrage i zaštitu, što je i obaveza predlagača zakona.

Ad.18. Izvještaj o radu Državne komisije za reviziju odluka o naturalizaciji stranih državljana u Bosni i Hercegovini za period od 31.1.2007.do 31.7.2007., s prijedlogom zaključka

U raspravi o ovoj tački dnevnog reda učestvovali su: Ivo Miro Jović, Mladen Ivanić, Drago Ljubičić, Sulejman Tihić, član Državne komisije za reviziju naturaliziranih državljana Ermin Pešto i Alma Čolo.

Dom naroda jednoglasno je usvojio Izvještaj o radu Državne komisije za reviziju odluka o naturalizaciji stranih državljana u Bosni i Hercegovini za period od 31.1.2007. do 31.7.2007., s prijedlogom zaključka, uz ispravku zaključka pod rednim brojem 4. i 6., koji glasi:

1. Prihvata se Izvještaj o radu Državne komisije za reviziju odluka o naturalizaciji stranih državljana u Bosni i Hercegovini za period od 31.1.2007. do 31.7.2007.
2. Obavezuju se sve nadležne institucije i drugi organi u Bosni i Hercegovini da Državnoj komisiji za reviziju odluka o naturalizaciji stranih državljana u Bosni i Hercegovini za period od 31.1.2007. do 31.7.2007. u što kraćem roku, u skladu sa zakonom, dostave ranije zahtijevanu dokumentaciju koja se odnosi na predmet revizije.
3. Predlaže se da Ministarstvo civilnih poslova Bosne i Hercegovine ažurira centralnu evidenciju o licima koja su stekla državljanstvo Bosne i Hercegovine naturalizacijom i o tome u roku od 60 dana podnese Izvještaj Vijeću ministara Bosne i Hercegovine.
4. Traži se od Ministarstva civilnih poslova Bosne i Hercegovine i svih drugih nadležnih organa, koji su dodjeljivali državljanstva u ovom periodu i da u roku od 60 dana, uvidom u svoju arhivu, izdvoje sve predmete - spise lica koja nisu porijeklom s područja bivše Jugoslavije, kao i lica s područja Jugoslavije, a kojima je bosnasko-hercegovačko državljanstvo dodijeljeno naturalizacijom, i predmet su revizije, te u navedenom roku o broju predmeta izvijeste Državnu komisiju za reviziju odluka o naturalizaciji stranih državljana u Bosni i Hercegovini za period od 31.1.2007. do 31.7.2007.
5. Državna komisija za reviziju odluka o naturalizaciji stranih državljana u Bosni i Hercegovini za period od 31.1.2007. do 31.7.2007. nakon prikupljenih podataka od nadležnih prvostepenih organa, o pravnom osnovu za dodjelu, te o drugim saznanjima u vezi s postupkom dodjele državljanstva Bosne i Hercegovine, Vijeću ministara BiH i Parlamentarnoj skupštini BiH treba da dostavi posebnu informaciju o licima s područja bivše Jugoslavije kojima je bosnasko-hercegovačko državljanstvo dodijeljeno naturalizacijom.
6. Izvještaj kao informaciju treba dostaviti svim resornim ministarstvima koja su vodila prvostepeni postupak i donosila odluke o dodjeljivanju državljanstva Bosne i Hercegovine te nadležnim pravosudnim organima radi eventualnog nadležnog postupanja.

Ad. 19. Prijedlog zaključaka Zajedničke komisije za odbranu i sigurnost BiH za rješavanje:

- a. pitanja viška malog i lakog naoružanja i municije u BiH,
- b. problema u radu Granične policije BiH.

U raspravi o ovoj tački dnevnog reda učestvovali su Branko Zrno i Zoran Koprivica.

Dom naroda jednoglasno je usvojio Prijedlog zaključaka Zajedničke komisije za odbranu i sigurnost BiH za rješavanje:

- a. pitanja viška malog i lakog naoružanja i municije u BiH,
- b. problema u radu Granične policije BiH.

Ad. 20. Potvrđivanje imenovanja Ljerke Marić za direktora Direkcije za ekonomska planiranja

U raspravi o ovoj tački dnevnog reda učestvovali su: Adem Ibrahimpašić, Slobodan Šaraba, Hilmo Neimarlija, Ivo Miro Jović i Božo Rajić.

Dom naroda je većinom glasova imenovao Ljerku Marić za direktora Direkcije za ekonomska planiranja.

Ad. 21. – 25. Davanje saglasnosti za ratifikaciju sporazuma i konvencija

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju:

- Sporazuma o ekonomskoj i tehnološkoj saradnji između Vijeća ministara BiH i Vlade Republike Grčke;
- Sporazuma između Bosne i Hercegovine i Islamske Republike Pakistan o saradnji u oblasti odbrambene industrije;
- Konvencije Vijeća Evrope o sprečavanju terorizma, Varšava, 16. maj 2005.godine;
- Konvencije Vijeća Evrope o borbi protiv trgovine ljudima;
- Konvencije Vijeća Evrope o pranju novca, otkrivanju, privremenom oduzimanju i konfiskaciji dobiti stečene kriminalnim radnjama i o finansiranju terorizma, Varšava, 16. maj 2005.godine.

Sjednica je završena u 13 sati.

Sastavni dio ovog zapisnika je neautorizirani transkript 9. sjednice Doma naroda.

SEKRETAR
DOMA NARODA
Marin Vukoja

PREDSJEDAVAJUĆI
DOMA NARODA
Ilija Filipović, dipl.iur,